

SEP

SECRETARÍA DE
EDUCACIÓN PÚBLICA



Dirección Académica

**Nemititeriwawe miiri
nemiti'utiawe neniukiki. Wixarika**

Leo y escribo en mi lengua. Huichol

MIBES 3

**Maye'uti kepemiti kayani
Instructivo del aplicador**

**Kepaimeme nemiretima
Formativa**

**MEVyT IB BL1F1.15.11.1
MEVyT IB BL1F1.15.11.2**

Maye'uti kepemi ti kayani

'Iki maye'uti keneutixeiya kepemitimate 'ahetsie pitimieme, tiparewiwame 'uki nutsu 'uka huuta peminiuka, 'eki kepemitikayani 'ikitiarikatsie kepemitimate xaapate mirayepine *Nemititeriwawe miiri nemiti'utiawe neniukiki*, MIBES 3 del MEVyT yikitemite'uniuka. 'Iki mepiwewixime 'amemiyumetetika xikari me'ayenini kepemi'a'ikitiani xeime xaapa 'anemiyumate. Kena'eriwati kepemitimate 'a'ikitiarikatsie mepiwewixime **yuxexuiti**.

Mipai pireuyewetse pemekateriwa pe'aki'iwiwati miiri naimeki maye'uti kepemi tikayani yapekatiyurieweti mipai ketinekaya'a, pemitiwaki'ikitiwaniki kemitiyunaki'erie teiteri 'inikai memiyumate miiri 'amemiyumatetika memiti'eiya kememitemate.

Mipai ketineuyuri:

a) Yapekatiyurieweti mi pai ketinekaya'a

- Keneuta'iwau hautitewakaku nauka xaapa maye'uti, mihiki: maye'uti keneutixeiya kepemitimate, keneutixeiya kemi'anene 'aixi mi'anene, kepaime nemiretima miiri miku'eiyatika.
- 'Iki xaapate, keneutawawiri 'amemiyumatetika miwaraka'uti wa, nutsu kemi'ane mihiritiarie 'iki 'uximayatsika.
- Keneutixeiya kepaime nemiretima kepemitiwatahiawe miiri keneuti'eiya, pemiretimaniki ke'ane 'aixi mikareutamate pemiwewiekatsie, 'ena mika'utitsie xika 'uxiyianeni, pe'iyemaiximeti 'utiarika kemaine, hipame niuki mikayu'eniiriiki nutsu mika'imate, 'ikiya yihekiati, hipame watsata.

e) Pemiwewiekatsie

- Kenaye'atia tita mitiyuku'iwawa teiteri yuxexuiti wahetsie timieme kepaime nemiretima.
- Yaketineutahiawi tewi tsimiyumate nutsu 'amiyumate kepaime nemiretima piyuwewixme pemitimaikaki kepemiretimamateke 'a'ikitiarikatsie xaapate mirayepinetsie. 'Iki, pemitawewi, pemitimaikaki tita 'akuxi mireuyewetse 'ikitiarikatsie.
- Keniwaruxeiyatsitia kepaime pemiretima teiteri miiri ketiniwarutaxaatia kename meyiwawe memiyuta 'iwaoritiani xika meka'imaiwaweni' 'iwaorika kepaime nemiretima.
- Nakateriwa maye'uti kepemitikayaani teiteri wamatia, ketinemaiti xika 'aku meheiti'enietiyekani 'uximayatsika memitetiwewieni wiyatsitarika, 'utiarika, 'utiarika kurumaiyemeki niuki hetia keneuku'utia, hipame wahamatia, miiri xika paika'aneni, 'aixi keniwaruyuriri memikaheiti'enietiyekatsie, 'aixi mitiku'eiyatika pekawaraxaxatiwati.
- Keniwayetuiri kepaime nemiretima yuxexuime teiteri miikiri memiyini memiti'eiya 'iwaorika yihikiate.
- Ketiniwarutahiawi mepitehakateriwa meyki'iwiwati kepai mirayu'iwaoritiwa miiri miti'eiya 'utiarika yuhekiakameki miiri ti'utiwame miyeiweki mekayeitiani xika mipai reuyuyehiaka, xika paitiu'erieni.
- Xika tewi kaheitimaiti yeikani miwewiekatsie kepaime nemiretima, keniwarutaxaatia maye'uti kepemitikayaani.

h) Yapetikayaame

- 'Uximayatsika pemayeninitsie, teiteri keniwarutateutia 'aixi memitekakiki 'uximayatsikatsie.
- 'Aixi keneutiyuri kepaimeme nemiretima 'iki pe'ayexeyati keneutixeiya kemi'anene.

Teriwarika miiri reiti'enietiyeka maye'uti kepemitiyaani kepemitiyurieni, matsipitiani kepemitiyurieni kepaimeme nemiretima 'inikai 'anemeki teiteri pemitwa'ikitia.

'Ena puti'axe kenemireutamaiwe ne'ikitiarikatsie
Fin del Instructivo del aplicador para la evaluación formativa